

JOSÉ, Jezús nia aman

Introdusaun

Durante tempu bainbain ida ne'e (Tempu Ordináriu) ita hakarak replete ho labarik sira kona-ba ema ida "bainbain": S. José.

Iha Testamentu Foun, evangelista sira ko'alia utoan de'it kona-ba nia: evangelista Markus la temi liu kona-ba José, evangelista João temi kona-ba José atu dehan katak Jezús mak ninia oan; evangelista Mateus haktuir akontesimentu rua iha ne'ebé S. José mak protagonista (*Mt 1, 18-24 no Mt 2, 13-14. 19*) no dala ida temi katak Jezús mak José nia oan; evangelista Lukas haktuir akontesimentu tolu iha ne'ebé José mós prezente (*Lk 2, 4. 16; Lk 2, 22-34; Lk 2, 41-52*) no haktuir dala ruma katak Jezús mak ninia oan.



Bele prepara pasajen sira ne'e iha surat tahan keta-ketak no fahe labarik sira ba grupu 5 hodi fó ba grupu ida-idak pasajen ida. Lee tiha dala rua ka dala tolu, grupu ida-idak sei hatán ba pergunta sira ne'e, hafoin sei apresenta iha assembleia:

-  ? Saida mak mosu?
 ? Se mak presente iha akontesimentu ida ne'e?
 ? José dehan saida?
 ? José halo saida?

Di'ak liu fahe pergunta ida-idak no bainhira grupu hotu fahe sira-nia resposta, animador koko atu halo rezumu kona-ba pergunta ida ne'e.

Iha pergunta n. 3 grupu hotu sei hatán katak José la dehan buat ida, dala ida Maria ko'alia hodi espresa sira na'in rua nia sentimentu, maibé ita la hatene José nia liafuan ida. Tan ne'e, bele tulun labarik sira atu replete kona-ba José nia estilu; hodi kompara mós ho ninia hahalok, labarik sira bele deskobre katak José la dehan buat ida, maibé nia halo tuir nafatin buat ne'ebé Maromak husu ka haruka halo liuhusi anju.

Tuir mai bele fó ba grupu ida-idak dezeńu ne'ebé tuir mai, hodi husu ba sira atu hakerek iha "kalohan" laran buat ne'ebé, tuir sira-nia ideia, José hanoin bainhira ema seluk interpela nia. Molok hakerek, labarik sira presiza fahe sira-nia hanoin, tuir buat ne'ebé Biblia hato'o kona-ba José; sira presiza komprende katak la bele hakerek buat ne'ebé ha'u hanoin se ha'u, karik, hamriik iha José nia fatin; maibé hodi lee didi'ak buat ne'ebé Evanjellu dehan kona-ba nia, sira tenke "siik" buat ne'ebé José hanoin.

Hafoin grupu ida-idak sei hatudu sira-nia dezeńu ba assembleia, hodi esplika buat ne'ebé sira hakerek. Ikus mai bele tau dezeńu sira ne'e iha kadru ka fatin ida iha ne'ebé oratorianu sira bele haree.

Orasaun

José akompaña Jezús nia moris hodi eduka nia: ita mós iha ema ruma ne'ebé akompaña iha ita-nia moris loron-loron nian. Ita koko atu halo lista, hafoin ita sei reza ba sira (labarik ida-idak, ka grupu sira, bele prepara orasaun hanesan “orasaun dos fieis”). Bele mós fahe ba grupu no grupu ida-idak sei haka'as an atu reza ba ema ida durante semana tomak.



Atividade

José mak ema ne'ebé gosta nonok, nia hala'o ninia serbisu ho konstansia, maibé hodi la “huu korneta”, hanesan Jezús dehan. Ba ita karik susar atu moris hanesan ne'e: dala ruma ita ko'alia bara-barak, maibé ita la halo buat ida, dala ruma husi ita-nia ibun sai liafuan kro'at sira de'it... ita bele aprende husi S.

José no durante fulan rua ne'e haka'as an atu la uza liafuan tolok nian, ka atu la “hatán” nar-naran de'it bainhira ema ruma husu favor mai ita.

